

**ՀՀ ՍՓԻԻՌԻ ՆԱԽԱՐԱՐ
ՀՐԱՆՈՒԾ ՅԱԿՈՒԵԱՆԻ ԽՕՍՔԸ
«ՄԽԻԹԱՐ ԵՒ ՄԽԻԹԱՐԵԱՆՆԵՐԸ. ԴՊՐԱՆՈՑ
ՔՐԻՍՏՈՆԷԱԿԱՆ ԼՈՒՍԱԻՈՐՈՒԹԵԱՆ»
ԳԻՏԱԺՈՂՈՎԻՆ**

*Գերապայծառ Տէր Լեւոն արքեպիսկոպոս Ձէքիեան,
Մխիթարեան միաբանութեան հոգեւոր հայրեր,
Յարգելի ներկաներ,*

Ձերմութեան եւ հպարտութեան զգացումով շնորհաւորում եմ ձեզ «Մխիթարը եւ Մխիթարեանները. դպրանոց քրիստոնէական լուսաւորութեան» գիտաժողովի կազմակերպման առթիւ: Յիրաւի, Մխիթար Աբբա՛հօր եւ նրա աշակերտների կեանքի եւ գործունէութեան վերաբերեալ գիտական մակարդակով այս քննարկումը կարեւոր նշանակութիւն ունի ոչ միայն հոգեւոր կեանքում, այլեւ հայագիտութեան զարգացման համար:

Մխիթարեան միաբանութիւնը երեք դար շարունակ Իտալիայի հիւրընկալ հողում Հայոց պետականութեան բացակայութեան պայմաններում ստանձնել է կարեւոր դերակատարութիւն՝ սատար կանգնելով օտար տիրապետութիւնների ներքոյ մաքառող հայ ժողովրդի բեկորներին՝ նրանց ծանր եւ օրհասական պահերին: Այդ բարեացակամ վերաբերմունքն էր, որ ոգեւորեց Մխիթար Աբբա՛հօր Սուրբ Ղազար կղզում հիմնադրելու հոգեւոր-մշակութային անմար այս կենդրոնը, որ պէտք է դառնար հայ-իտալական բարեկամութեան խորհրդանիշ, հպարտութեան առարկայ, գոսաշրջութեան գեղեցիկ վայր:

Դարեր շարունակ քրիստոնեայ հային ոգի եւ ոյժ է փոխանցել հոգեւորականը՝ նրա հոգում սերմանելով ազգային եւ բարոյական հունտեր: Այդ հոգեւորականների մէջ իւրովի առանձնանում, հզօրանում եւ անհաս է թուում նոյնիսկ երեք հարիւր տա-

րի անց էլ Մխիթար Սերաստացին: Եւ դժուար է պատկերացնել մեր գիտութեան եւ մշակոյթի պատմութեան վերջին երեք դարն առանց Մխիթարեան միաբանութեան, բոլոր ժամանակների հոգեւորականների, որոնք իրենց ստեղծած գրականագիտական, լեզուագիտական, պատմագիտական աշխատութիւններով մնայուն ժառանգութիւն թողեցին հայոց մշակոյթի պատմութեան մէջ:

Մխիթար Աբբազօր կերպարի հետ է նոյնացոււմ հայի ինքնութեանը ճակատագրական սպառնացող պահին անձնագոհութեամբ յանձն առնելու բացառիկ կամային բարձր յատկանիշները, որի արդիւնքը դարձաւ հայ կրթական հատուածի նորովի վերընձիւղումը: Հայոց պատմագիտութիւնը, աստուածաբանութիւնը եւ մշակութաբանութիւնը ղեռ չատ բան ունեն հետազօտելու, արժեւորելու եւ սերունդներին փոխնացելու Մխիթար Աբբազօր կերպարին բնորոշ արժանիքները, նրա ստեղծած հոգեւոր եւ մշակութային ժառանգութիւնը:

Մխիթարեան միաբանութեան հարիւրամեակների պատմութիւնը միմիայն ներշնչում է ազգային հպարտութիւն: Գիտական եւ կաճառական մեծ ներուժով այս կառոյցը, լինելով եւրոպական արժէքների կրող հաստատութիւն, միաժամանակ ազգային եւ հոգեւոր կենտրոն ու հայրենաշունչ վայր եւ քրիստոնէական յուսաւորութեան դպրանոց, որտեղ իրենց հայեցի, աստուածաբանական կրթութիւնն ու կաճառական ճանաչումն են ստացել ոչ միայն անուանի հոգեւորականներ, այլ նաեւ նուիրեալ հայագէտներ:

Ցանկանում եմ գիտաժողովի մասնակիցներին մաղթել բեղուն եւ արգասաբեր աշխատանք: Թող Աստծոյ Ամենակարող Աջը միշտ հովանի լինի Մխիթարեան միաբանութեանը, անխոնջ ու նուիրեալ հոգեւոր հայրերին եւ Ձեզ յարգարժան Սրբազան Հայր, Գերապայծառ Տէր Լեւոն արքեպիսկոպոս Ձեքիեան:

Յարգանքով՝

ՊԱՇՏՈՆԱԿԱՏԱՐ
ՀՐԱՆՈՅՇ ՅԱԿՈԲԵԱՆ